

AGASTI 2015

Bulletin

Incwadi ethunyelwa amalungu e-Bhunga le Overstrand esesikweni

Abafundi baseHawston bagcineke bekhuselekile ngeli thuba leziholide zaphakathi enyakeni

Ngeli thuba leeholide zaphakathi enyakeni, ulutsha oluvela eHawston luphinde lwafumana ithuba lokuvavanya inkqubo eyonwabisa ebonelelwa ngobubele beThala leeNcwadi laseHawston, iSikolo samaBanga aPhantsi saseHawston kunye ne-Safe Schools Education ukusuka ngowe-6 ukuya ngowe-17 kuJulayi kwiZiko iThusong.

Le nkqubo ithe yabanelisa kuthakazelelo lwabo lolwazi kunye nomqweno wokwandisa ingqiqo yabo – ngamanye amazwi, baya bafunda ukuba 'krelekrele' kwindawo ekhuselekileyo.

Kutyunjwe abafundi abakwizikolo zamabanga aphantsi nasasekondari abakumyinge weminyaka esuka kwemi-6 ukuya kwemi-17, injongo yale nkqubo kukugcina abantwana bekhuselekile, bonwatyisiwe kwaye bengekho zitalatweni ngethuba leeholide ngokuthi baguqulele ubutsha kunye namandla abo kwizinto ezakhayo.

Kudederhu lweentetho eziyalelayo kwimiba yokusingqongileyo, ingxabiseko, umgagatho kunye nokhuseleko, injongo kukudlulisela izakhono zobomi kwangaxeshanye kusakhiwa umntu omtsha waseOverstrand ozithembayo, ozivayo, ophumeleleyo kunye nonentembeko. Kulungiselela abantwana abancinane, imiyalezo equlathe izakhono zobomi ezifanayo iye yabethelwa ngokusebenzisa imiboniso yoonodoli noonopopi kunye nokubalisa amabali, nebeziqhawulwa yimiboniso yeetalente nalapho amagcisa asakhasayo ebengqawuza ebonisa ngeetalente zawo.

Nanjengoko ingunyaka weshumi iqhutywa le nkqubo, kulo unyaka ibonelele abantwana abamalunga nama-50 ukuya kuma-200 ngosuku ukusuka nge-09:00 ukuya nge-13:00.

Abasebenzi abali-15 beNkqubo yemiSebenzi kaRhulumente eNxanan-azileyo bavalontyiye ngeenkonzo zabo benceda ukulawula abantwana ngelixa iinkqubo zemidlalo zibonelelwa ukusuka nge-6 ukuya nge-10 Julayi beziphantsi kweliso elibukhali le-VCSV (Verenigde Christelike Studentevereniging). Ukusukela nge-13 ukuya kutsho nge-17 Julayi, ababoneleli abaninzi abohlukeneyo abafana ne-Child Welfare, Working for Fire kunye neSebe loPhuhliso lweNtlalontle bengenise iinkqubo ezongezekileyo.

Bekungenwa mahala kwaye abantwana beebonelelwa ngezindlo zakusasa nasemini mihla le. UMasipala waseOverstrand ubebonelela ngebhegana ezinezimuncumuncu kunye nezinto zokudlala kumntwana ngamnye olapho.

Nawuphi na umbutho okanye umntu ongafuna ukwenza igalelo kwinkqubo yalo nyaka uzayo okanye ongafuna ulwazi iluthe vetsha angagqagamshelana nomququzeleli wale nkqubo uNks Belinda May kwezi nombolo 028 315 1126 okanye ngeimeyili bmay@overstrands.gov.za

ULUNGELELWANISO LOMBHALO OMNCINANE KWIAXHAWUNTI YAKHO KAMASIPALA

UMBANE

- Iintlawulo zombane weemitha zetyala ziya kulungelelaniswa nge-7.39% ukusuka ngowe-1 Julayi 2015
- Iintlawulo zombane ohlawulelwa kwangaphambili (prepaid meters) ziya kulungelelaniswa ukuya kwi-R424.00 ukusuka ngowe-1 Julayi 2015.

AMANZI

- Nceda uqinisekise ukuba iimpompo zivaliwe xa ungekho ekhayeni ukukhusela ukulahleka kwamanzi okungeyomfuneko ukuba kungakho ukuvuza ungekho
- Nceda uqinisekise ukuba uneinshorensi equka isiganeko sokuvuza kunye nokugqabhuka kwemibhobho okungenzeka kwipropati yakho.
- Usetyenziso lwamanzi lubalwa ngokungqinelana nesikali esehlayo. Inani leentsuku phakathi kokufundwa kweemitha kumele ukuba kuqwalaselwe. Iformula ingafumaneka kwiifosi zolawulo ezikufutshane nawe.
- Nceda ungaphathaphathi okanye ubhucabhuze iimithi ezithintelayo zamanzi ngokuba ngokwenza njalo ungabangela ukuba ubonelelo ngamanzi kumzi wakho kurhoxiswe okwexeshana.

INKUKUMA

- Imigqomo okanye ibhegi zenkukuma kumele ukuba zibekwe epavumenteni nge-07:00 ngosuku lokuthatyathwa kwenkukuma kuphela.

UGUTYULO

- Ixesha elingumnqamla juqu xa kuthuthwa ilindle ngeetanki ngolo suku lothutho yi-15:00. Nasiphi na isicelo sothutho lwelindle ngeetanki esifumaneke emva kwe-15:00 siya kuhlawuliswa ixabiso laqho ngeyure emva komsebenzi okanye into engenziwa engenye kukuba kulindwe de kube lusuku lokusebenza olulandelayo.

IIAXHAWUNTI

- Iiaxhawunti mazihlawulwe ngaphambi okanye ngomhla wama-20 enyanga elandelayo.
- Nceda uhlawule iiaxhawunti zakho kwangexesha khona ukuze uphephe ukuhlawula imirhumo yoqokelelo, inzala, iintlawulo ezinyusiweyo kunye nokurhoxiswa kunye/okanye ukucuthwa kweenkonzo.

UNXIBELELWANO

- Ukuqinisekisa impendulo ekhawulezileyo malunga nemibuzo kwiiaxhawunti yakho, nceda thumela ngo imibuzo yakho ngeimeyili ku enquiries@overstrand.gov.za. Sithembisa ukuphumelela kuphelanga iintsuku ezili-10.
- Isigidimi senyanga saseOverstrand sifumaneka ku- www.overstrand.gov.za.

UMBHIYOZO WOSUKU LWELIFA LEMVELI ONOMAHLUKO - ZITIKE KWILIFA LEENTYATYAMBO ZETHU

Ubuhle baseHermanus, nobenza ukuba abandwendweli baquqe bebuyelela, buxhomekeke kakhulu kwizihlahla ze-fynbos. Ukusuka ngowama-24 ukuya ngowama-27 Septemba, i Fernkloof Nature Reserve iya kube ivumela uluntu ukuba luzitike lubukela umangaliso wobuhle boprotiya kunye ne-erika ngemiboniso ehlaba umxhelo eya kube isindlekwe yi-Hermanus Botanical Society.

Njengokuba kubonakala ukuba sithanda 'ubandakanyeko' nje, ezo zidalwa sabelana nazo imvelo esingqongileyo ingathi nazo ziye zamenywa kule pati! Yiza kudibana nazo ngqo phakathi kwezi zizihlahla!

Lo mbiyozo utisuku-ne uya kubonelela ngeehambo ngenyawo ezine-

koheli, imiboniso yobomi basendle, ubugcisa kunye nokutya okuphekwe ekhaya kwezo ntente zilapho kwakunye neenkqubo ezonwabisa abantwana. Kwaye, njengesithethe, iiti kunye nezindlo zasemini ezimnandi ziya kubonelelwa ngeli xesha lombhiyozo lonke.

Imirhumo yokungena R20 (R10 kwabadla umhlalaphantsi ngoLwesihlanu). Akukho ntlawulo kubantwana Tsalela 028 313 0819 okanye ndwendwela botsochermanus@telkomsa.net www.facebook.com/hermanusbotanicalsociety



UKUCHONGWA KWIWONGA LIKASODOLOPHU LANGO-2015

KuBusuku boGqweso bam-
iNyaka le, imbeko inikwa
abagqwesileyo nabenza
umahluko eOverstrand
ngokuwongwa ngeNdebe
kaSodolophu kuLondolozo
lweMvelo esiNgqongileyo,
uMntu oBhinqileyo
woNyaka kunye neWonga
labaGqwese ngokuBalase-
leyo.

Kulo unyaka uSodolophu
uNicolette Botha-Guthrie
uza kunikezela ngala ma-
wonga nge-25 kuAgasti
2015. Ukuchonga umntu
kulindiwe kwaye kumele
ukuba kube sele kwenziwe
kwaye kwangeniswa ngaphambi okanye ngoLwesihlanu, 7 Agasti
2015.

Ukuchonga umntu umchongela iNdebe enendumasi kaSodolophu
engoLondolozo lweMvelo esiNgqongileyo kungangeniswa kuLiezi
Bezuidenhou kule imeyili ibezuidenhou@overstrand.gov.za.

Ukuchonga umntu obhinqileyo waseOverstrand nothe wenza
umahluko kwingingqi yakhe nekumele ukuba aqwalaselelwe iWonga
loNyaka loMntu oBhinqileyo kungangeniswa kuElize Verrij kule
imeyili everrij@overstrand.gov.za.

Abaqwese ngokubalaseleyo kwindawo zabo bona batyunjwa
ngooceba. Ukuchonga umntu okunezizathu ezikhuthazayo kun-
gangeniswa ngesandla nakuwuphi na uceba okanye kuthunyelwe
kuElize Verrij kule imeyili everrij@overstrand.gov.za.

Ukuchonga umntu kungathunyelwa nakwiOfisi kaSodolophu okan-
ye ifekselwe kwezi nombolo 028 313 8067.

Nceda uqaphele ukuba konke ukuchongwa okwenziweyo kumele
kukhatshwe ziinkcukacha zoqhagamshelwano ezipheleleyo zom-
chongi kunye nomchongwa.

Abadala okanye abakhubazekileyo? Mhlawumbi kumele ufumane isaphulelo kwiirhafu zepropati

Ukuba ungumntu odla umhlalaphantsi okanye okhubazekileyo
onomvuzo womzi wonke wenganya ongadlalanga kwi-R11 280,
ingathi ungalungela ukufumana isaphulelo esikhethekileyo kwi-
irhafu zepropati.

Ukuze ukulungele ukufumana esi saphulelo sikhethekileyo
kumele ukuba:

- Ube ngummi woMzantsi Afrika kwaye ube ngumnini wepropati obhalisiweyo
 - Ube neminyaka engama-60 ubudala okanye ube ufumana isibonelelo sokhubazekileyo kuRhulumente; kwaye
 - Ube uhlela kwipropati yakho wena buqu.
- Qaphela ukuba ukuba ipropati ekuthethwa ngayo ineendawo zokuhlala ezingaphezulu kwenye kwaye wena mceli kumele ukuba ungabi ngumnini weepropati ezininzi. Ngolwazi oluthe vetshe ngezi zaphulelo ezibonelelwa kubadli mhlalaphantsi kunye nabantu abakhubazekileyo, qhagamshelana neofisi yolawulo yaseOverstrand ekufutshane nawe.



Umbhiyozo i-Funky Fynbos uThembisa uThotho loLonwabo kuSapho Lonke

Uyilelwe ukuba wazise abandwendweli eGansbaai kunye nezinye iz-
into neendawo ezitsala umdla, le dolophu iya kube isindleke uMbhiyozo
i-Funky Fynbos isihlandlo sesibini kulo nyaka ngempelaveki ye-18-20
Septemba 2015.

Kuluhlu lwezinto eziya kwenziwa kuqokwa umdyarho weebhayisekile
zeentaba, ukubaleka kwindledana ezingumzila kunye nokhuphiswano
lwee-4x4. Ukongeza kumabhaso emali azikhozo akhoyo, abaphume-
leleyo kolu khuphiswano ngalunye baya kuwongwa ngeevawutsha
ezibangenisa kuntywilo nokrebe, uhambo ngenqanawa kubukelwe imi-
nenga okanye ukuhlala mahlala eGansbaai.

Ukungena kumbhiyozo kunye nezitendi kumahala akuhlawulelwa,
kodwa umrhumo wohlawulwa xa ungenela naluphi na ukhuphiswano
olugunyazisiweyo.

Ngeenkukacha ezithe vetshe, ndwendwela www.funkyfynbosfestival.co.za www.xplorio.com/gansbaai okanye www.gansbaaiinfo.com.

IZILWANYANA EZIBHADULAYO ZIZA KUBANJWA, NGENDLELA ENOBUNTU

Ngowama-24 Juni 2015, uMthetho kaMasipala oSaYilwayo ongokuBanjwa
kweZilwanyana uthiwe thaca kwiBhunga. Injongo yalo mthetho kaMasi-
pala kukuqinisekisa ukuba abemi beseOverstrand, abanini-propati kunye
nabasebenzisi-ndlela, xa bebonke, kufanele ukuba bakhuseleke kwiingozi
ezingenziwa zizilwanyana ezinjengamahashe, iinkomo, iigusha kunye nee-
hagu ezibhadulayo.

Kwangaxeshanye, umthetho kamasipala umisela ngaphandle kwamath-
andabuzo ukuba zingakhathalelwa, ziphathwe kwaye zichithwe njani izil-
wanyana ezifunyenwe zibhadula nje ukuba zibanjwe.

Sithetha nje, umthetho kamasipala umisela ukuba izilwanyana ezibhadu-
layo zingabanjwa zithinjwe kangangeentsuku ezisixhenxe ngaphambi koku-
ba zichithwe, emva kokwazisa umnini apho kukwazekayo ukuqhagamshel-
lana naye. Ngokwesindululo seHermanus Animal Welfare Society, intlawulo
engahlawuliswa ngesilwanyana ngasinye esibanjweyo ingasisixa-mali se-
R59.95 ngosuku. Le ntlawulo, nangona kunjalo, isaxoxwa kunye neSebe
leziMali laseOverstrand.

Naye nabani na onomdla kulo mthetho kamasipala undululwayo, nga-
kumbi, iintlawulo ezinyanzelisiwayo malunga nezilwanyane ezibanjweyo,
makancede aqhagamshelane neNtloko kuNyanzeliso loMthetho eOver-
strand, uLester Smith, kwezi nombolo 028 313 5041 okanye athumele
i-imeyili ngqo lsmith@overstrand.gov.za. Iikopi zalo mthetho kamasipala
zingafumaneka kwiofisi kamasipala ekufutshane nawe okanye kwiweb-
husayithi egunyazisiweyo yaseOverstrand: www.overstrand.gov.za

NCEDA KUGCINWE ABAHLOBO BETHU ABABHADAZAYO BEKHUSELEKILE



Egameni le-African Penguin and Seabird Sanctuary
eGansbaai, i-Bulletin icela ukuba bonke abafundi bayo
baqaphele esi sicelo silandelayo:

Ukuba uthe uhamba elunxwemeni waze wadibana
nonombombiya okanye ingabangaba elibonakala lilahl-
ekene nendawo yalo, nceda wenze oku kulandelayo:

- Tsalela kumnxeba wosindiso we-APSS ongu- 072 598 7117 ngaphandle kwamathandabuzo.
- Zama ngandlela zonke ukugcina abantu abanomdla kunye nezinja bekude de kufike abasindisi bakwa-APSS.

Ngalo lonke elo xesha nceda musa ukuzama ukuyifida okanye uyibuyisele
emanzini le ntaka.

NGOBUCHULE NANGEMFUDUMALO - BUKELA UMBETHI WE-CELLO OMANGALISAYOEYIDLALA

I-OAK iza kusindleka umbethi we-cello osemncinane nomangalisayo uBen Capps
ovela eNew York kwikonsathi yangeCawe emva kwemini, 16 Agasti eHermanus Civic
Auditorium.

UCapps uza kudlala imisebenzi kaBritten, Debussy, Chopin kunye noMendelssohn.
Ikonsathi iqala ngo-15:30

Qinisekisa ukuba uzibhukishela kwakamsinyane ukuphepha impoxeko.

**Amatikiti li-R120 (R60 kubafundi) kwaye ungabhukisha eBELLINI GALLERY
kwanombolo 028 312 4988. Ngolwazi oluthe vetshe, nceda qhagamshelana
noRené du Plooy kwezi nombolo 082 940 4238.**



overstrand arts • kunste